

74

161 163

161 163

五禮通考卷第一百六十一

內廷供奉禮部右侍郎金匱秦蕙田編輯

翰林院編修嘉定王鳴盛

參校

李太僕總督魏君鄒桐城方觀承同訂

直隸按察司副使和朱宗元

嘉禮三十四

射禮

蕙田案孔氏穎達曰射禮有三一爲大射是將祭擇士之射二爲賓射是諸侯來朝而天子與之射或諸侯相朝而與之射三爲燕射謂燕息而與之射此所論皆臨時行禮之射則有平日肄習之射則鄉射是也射以觀德事故古聖人最重其事禮既殘缺其完善可儀者獨有儀禮大射儀鄉射禮二篇又戴記射義一篇而已鄭康成注鄉射以爲惟大射

賓射燕射謂之禮射則其餘皆散射也又注
周官云庶民無禮射今取儀禮大射鄉射二
篇爲首尊全經也旁采經傳分大射賓射燕
射鄉射存其畧也終以諸書所論射雜儀及
射器而射禮粗備矣

又案劉向別錄以射入古禮唐開元禮入軍
禮通典因之射爲六藝之一原所以習禮樂
非專尙威武至於諸經言射兼朝祭饗燕亦
不得專屬古禮鄭康成注儀禮大射鄉射皆
屬嘉禮宋史亦以大射入嘉禮頗存古意今
從之

儀禮大射儀

鄭目錄云名曰大射者諸侯將有祭祀之事與其羣臣射以觀其禮數中者得與於祭不數中者不得與於祭射義於五禮屬

敖氏繼公曰諸侯與其羣臣飲酒而習射之禮也言大射者別於賓射燕射也

盛氏世佐曰射義云諸侯之射也必先行燕禮又云諸侯君臣盡志於射以習禮樂此篇所陳是也亦曰大射者別於鄉射也卿大夫與其民習射於鄉學謂之鄉射諸侯與其臣習射於大學謂之大射其與賓射燕射異者彼是因賓燕而射射否惟欲主於序歡情也此則為射而燕主於習禮樂也不曰禮而曰儀以其威儀之法比鄉射尤詳也

大射之儀君有命戒射

注將有祭祀之事當射宰告於君君乃命之

宰戒百官有事

於射者

注宰於天子冢宰治官卿也作大事則掌以君命戒於百官

射人戒諸公卿大夫射司

士戒士射與贊者

注射人掌以射法治射儀司士掌國中之士治凡其戒令皆司馬之屬也殊戒公卿大夫與士辨貴賤也贊佐

也謂士佐執事不射者

前射三日宰夫戒宰及司馬射人宿視滌

注宰夫冢宰之

屬掌百官之徵令者司馬於天子政官之卿凡大射則合其六耦滌謂灑器埽除射宮

蕙田案以上戒百官

觀承案上文射人戒是前期旬有一日此宰

夫戒是前射之三日射人宿是夕宿為前一

日宗伯宿視滌濯是也

司馬命量人量侯道與所設之以狸步大侯九十參七

十千五十設之各去其侯西十北十注量人司馬之屬掌量道巷塗數者侯謂所射布也

尊者射之以威不爵侯卑者射之以求為侯量侯道謂去堂遠近也容謂之乏所以為獲者之禦矢狸之伺物每舉足者止視遠近為發必中也是以量侯道取象焉鄉射記曰侯道五十弓考工記曰弓之下制六尺則比狸步六尺明矣大侯熊侯謂之大者與天子熊侯同參讀為慘慘雜也雜侯者豹鵠而麋飾下天子大夫也千讀為豺豺侯者豺鵠豺飾也大夫將祭於已射麋侯士無臣祭不射疏熊侯而謂之大者言畿外諸侯亦得用三侯其數上同於天子而非畿內諸侯所可比故於熊侯加大以別之然不嫌於偏上者天子三侯則虎侯熊侯豹侯諸侯不得用虎侯而以熊侯慘侯豺侯為三侯若畿內則但有熊侯豹侯此其所以別也云豹鵠而麋飾下天子大夫也者司裘云卿大夫則其麋侯此則豹皮為鵠以麋飾其側不用熊麋是下天子大夫也豺鄭注周禮云胡犬豺侯亦取捷黠意大夫得置家臣故將祭得大射擇士士卑無臣故祭不得射也遂命量人巾車張三侯大侯之崇見

鵠於參參見鵠於千千不及地武不繫左下綱設之西

十北十凡乏用革注巾車於天子宗伯之屬掌裝衣車者亦使張侯侯巾類崇高也高必見鵠鵠所射之主鵠之言較較直巾射

者所以直已志或曰鵠鳥名射之難中中之為俊是以取名淮南子曰鵠鵠知來然則所云正者正也亦鳥名齊魯之間名題肩為正正鵠皆鳥之捷黠者考工記曰梓人為侯廣與崇方參分其廣而鵠居一焉則大侯之鵠方六尺慘侯之鵠方四尺六寸大半寸豺侯之鵠方三尺三寸少半寸及至也武迹也中人之足長尺二寸以豺侯計之參侯去地一丈五寸少半寸大侯去地二丈二尺三寸少半寸凡侯北面西方謂之左前射三日張侯設之欲使有事者豫志焉疏鄉射云乏

參侯道居侯黨之一西五步注云此乏去侯北十丈西三丈此經云西十北十則西與北皆六丈不得為三分居侯黨之一者以其三侯入堂深故也西亦六丈者以三侯恐矢揚傷人與一侯亦異也三侯之下總云西十北十則其乏皆西十北十矣侯之廣狹取度於侯道大侯道九十弓弓取二寸二十九十八侯中丈八尺三分其侯而鵠居一故知鵠方六尺也參侯干侯亦以侯道弓數及弓取二寸推之大侯中丈八尺鵠方六尺參侯中丈四尺鵠方四尺六寸大半寸干侯中一丈鵠方三尺三寸少半寸凡言大半寸者二分寸之一少半寸者三分寸之一

張氏爾岐曰王大射用虎侯熊侯豹侯畿內諸侯二侯以熊侯為首畿外諸侯得用三侯熊侯糝侯豺侯以熊侯同於天子故云大侯三侯其道遞近以二十步為率尊者射遠卑者射近侯遠則鵠大侯近則鵠小大侯之鵠見參侯之上參侯之鵠見干侯之上干侯下綱則去地一尺二寸此三侯高下之法也註知三侯之鵠廣狹之數者以侯之廣狹取則於侯道之遠近每弓取二寸九十弓者十八尺七十弓者十四尺五十弓者十尺每侯之鵠又各取其侯三分之一故推知之也設乏西十北十西與北各去侯六丈也云凡乏三侯各有乏也

蕙田案此所言侯與司裘職文異註以為彼乃畿內諸侯此為畿外諸侯敖繼公謂畿內無諸侯盛世佐謂王制天子之縣內諸侯祿也故春秋有凡伯祭伯當從盛氏參侯康成以為當作糝敖繼公以為參如無往參之參

謂介於二者之間也大侯以大於二侯名則參侯以參於二侯名大侯為熊侯參侯為豹侯歟當從敖氏作如字讀但謂為豹侯亦無所據不如盛世佐謂參用豹侯麋侯為的又案以上張侯

樂人宿縣於阼階東笙磬西面其南笙鐘其南鐻皆南

陳

注周禮曰凡縣鐘磬半為堵全為肆有鐘有磬為全鐻如鐘而大奏樂以鼓鐻為節

建鼓在阼階西南鼓應

鼙在其東南鼓

注南鼓謂所伐面也應鼙應鞀鼙也先擊朔鼙應鼙應之鼙小鼓也在東便其先擊小後擊大也鼓不在東縣南為君也

西階之西頌磬東面其南鐘其南鐻皆南陳一建鼓在

其南東鼓朔鼙在其北

注朔始也奏樂先擊西鼙樂為賓所由來也

一建鼓在西階

之東南面

注言面者國君於其羣臣備三面爾無鐘磬有鼓而已其為諸侯則軒縣

蕩在建鼓之間

注蕩竹也謂笙

簫之屬倚於堂

鼗倚於頌磬西紘

注紘編磬繩也設鼗於磬西倚於紘也王制曰天子賜諸侯樂則以祝將之賜伯子男樂則以

之鼗將之

盛氏世佐曰燕禮縣與燕同日此亦於射前一日為之者大射重於燕也樂以人聲為貴故歌者在上方匏竹在下謂堂上堂下也陳氏云頌磬歌於西是南鄉北鄉以西方為上所以貴人聲也笙磬吹於東是以東方為下所以賤匏竹也非就堂下樂中亦有差等笙管磬之發乎人者也磬鐘之屬聲之發乎器者也故有時以笙為主而磬以下應之所謂笙奏也詩云笙磬同音是也有時以管為主而磬以下應之所謂下管也詩云嘒嘒管聲既和且平依我磬聲是也下經云乃管新宮三終則大射樂以管為主矣

蕙田案以上樂縣

厥明司宮尊於東楹之西兩方壺膳尊兩甌在南有豐
罍用錫若絺綌諸箭蓋罍加勺又反之皆元尊酒在北
注膳尊君尊也後陳之尊之也豐以承尊也罍覆尊巾也錫細布也絺細葛也箭
篠也為罍蓋卷辟綴於篠橫之也又反之為覆勺也皆元尊二者皆有元酒之尊
重本也酒在北尊統於君南為上也唯君面尊言專惠
也疏唯君面尊謂君燕臣子專其恩惠故尊鼻嚮君尊士旅食於西罍

之南北面兩圓壺

注旅眾也士眾食未得正祿謂庶人
在官者圓壺變於方也賤無元酒

又尊於大侯

之乏東北兩壺獻酒

注為隸僕人巾車穆侯狩侯之獲者郊特牲曰
獻說於醴酒服不之尊俟時而陳於南統於侯皆

東面疏此為隸僕以下卑賤之人而獻鬱鬯
者此所得獻皆因祭侯為侯之神故用鬱鬯也設洗於阼階東南罍水

在東篚在洗西南陳設膳篚在其北西面又設洗於獲

者之尊西北水在洗北筐在南東陳

注無爵因服不也有筐爲奠虛爵也服不之洗亦俟

時而陳於其南

小臣設公席於阼階上西鄉司宮設賓席於戶西

南面有加席卿席賓東東上小卿賓西東上大夫繼而

東上若有東面者則北上席工於西階之東東上諸公

阼階西北面東上

注百官各饌其所當其之物

蕙田案以上陳設

羹定射人告具於公公升卽位於席西鄉小臣師納諸

公卿大夫諸公卿大夫皆入門右北面東上士西方東

而北上太史在千侯之東北北面東上士旅食者在士

南北面東上小臣師從者在東堂下南面西上

注太史在千侯東北士旅

食者在土南爲有侯故入庭深也小臣師正之佐也正相君出入君之大命

張氏爾岐口自此至南面反奠於其所北面立皆將射先燕之事公命賓執賓

以來主人獻賓賓酢主人主人獻公主人受公酢主人酬賓二人舉解公取解酬賓遂旅酬主人獻卿二人再舉解公爲卿舉旅酬主人獻大夫工人奏樂凡十二節

公降立於阼階之東南南鄉小臣師詔揖諸公卿大夫

諸公卿大夫西面北上揖大夫大夫皆少進注詔告也繼之爾言揖亦以其入

庭不也上言大夫誤衍口大射正擯注大射正射人之長擯者請賓公曰命某為賓注某

大夫擯者命賓賓少進禮辭注命賓者東面南願辭辭以不敏反命注以賓之辭告於君又

命之賓再拜稽首受命注又復擯者反命賓出立於門外北

面公揖卿大夫升就席小臣自阼階下北面請執幕者

與羞膳者注請士可使執君兩甌之器及羞乃命執幕者執幕者

升自西階立於尊南北面東上注命者於西階前以公命命之東上執元尊之器為上羞膳者從而

東由堂東升自北階立於房中西膳宰請羞於諸公卿者注膳宰請者異於君也

擯者納賓賓及庭公降一等揖賓賓辟注及至也辟遂公升

即席注以賓將與主

蕙田案以上即位命賓納賓

奏肆夏注肆夏樂章名今亡

敖氏繼公曰穆叔聘於晉晉侯享之金奏肆夏之三穆叔曰三夏天子所以享元侯也使臣不敢與聞此惟奏肆夏而不及繁遏渠其辟天子之享禮與

賓升自西階主人從之賓右北面至再拜賓答再拜注主

人宰夫也又掌賓客之獻飲食君於臣雖為賓不親獻以其莫敢亢禮主人降洗洗南西北面注賓將從降鄉

之不於洗注北辟正主賓降階西東面主人辭降賓對主人北面盥坐

取觚洗賓少進辭洗主人坐奠觚於篚興對賓反位注賓

少進者所辭異宜違其位也獻不用爵爵正主主人卒洗賓揖乃升注賓每先升折之主人升賓

拜洗主人賓右奠觚答拜降盥賓降主人辭降賓對卒

盥賓揖升主人升坐取觚注取觚將就反獻酌膳執幕者舉幕主人酌

膳執幕者蓋器酌者加勺又反之注反之覆勺筵前獻賓賓西

階上拜受爵於筵前反位主人賓右拜送爵注賓既拜於筵前受爵退復位

宰胥薦脯醢注宰胥宰官之吏也不使膳宰薦不主於飲西變於燕賓升筵庶子設折俎

注庶子司馬之屬掌正六牲之體者也鄉射記曰賓俎春脇肩膊不使膳宰設俎為射變於燕賓坐左執觚右祭脯醢

奠爵於薦右興取肺坐絕祭齊之興加於俎坐挽手執

爵遂祭酒興席末坐啐酒降席坐奠爵拜告旨執爵興

主人答拜

注席席西也言美也

樂闕

注闕止也樂止者尊賓之禮盛於上也疏燕禮記云賓及庭奏肆夏卒爵而樂闕與此啐酒樂

疏燕

闕亦據啐酒時按郊特牲賓入大門而奏肆夏卒爵而樂闕與此啐酒樂闕不同者彼謂朝聘者故卒爵而樂闕此燕已臣子法故啐酒而樂闕也

賓西

階上北面坐卒爵興坐奠爵拜執爵興主人答拜

蕙田案以上主人獻賓

賓以虛爵降主人降賓洗南西北面坐奠觚少進辭降

主人西階西東面少進對賓坐取觚奠於筐下盥洗

注既

卒爵賓將酢主人也筐下筐南也

主人辭洗賓坐奠觚於筐興對卒洗及階

揖升主人升拜洗如賓禮賓降盥主人降賓辭降卒盥

揖升酌膳執器如初以酢主人於西階上主人北面拜

受爵賓主人之左拜送爵主人坐祭不啐酒不拜酒遂

卒爵興坐奠爵拜執爵興賓答拜主人不崇酒以虛爵

降奠於筐賓降立於西階西東面擯者以命升賓賓升

立於西序東面

注命公命也

蕙田案以上賓酢主人

主人盥洗象觚升酌膳東北面獻於公公拜受爵乃奏

肆夏

注言乃者其節異於賓

蕙田案前賓入之時已奏肆夏故康成云其節異於賓敖繼公云此奏當以東方之縣

主人降自西階阼階下北面拜送爵宰胥薦脯醢由左

房庶子設折俎升自西階

注鄉射記曰主人俎有脅臂肺

公祭如賓禮庶子

贊授肺不拜酒立卒爵坐奠爵拜執爵興主人答拜樂

闋升受爵降奠於篚

蕙田案以上主人獻公

更爵洗升酌散以降酢於阼階下北面坐奠爵再拜稽

首公答拜主人坐祭遂卒爵興坐奠爵再拜稽首公答

拜主人奠爵於篚

蕙田案以上主人自酢

主人盥洗升媵觚於賓酌散西階上坐奠爵拜賓西階上北面答拜主人坐祭遂飲賓辭卒爵興坐奠爵拜執爵興賓答拜主人降洗賓降主人辭降賓辭洗卒洗賓揖升不拜洗主人酌膳賓西階上拜受爵於筵前反位主人拜送爵賓升席坐祭酒遂奠於薦東主人降復位賓降筵西東南面立

蕙田案以上主人酬賓

又案自此以下儀節多與燕禮相爲出入

小臣自阼階下請媵爵者公命長小臣作下大夫二人媵爵媵爵者阼階下皆北面再拜稽首公答拜媵爵者立於洗南西面北上序進盥洗角觶升自西階序進酌

散交於楹北降適阼階下皆奠觶再拜稽首執觶興公
答拜媵爵者皆坐祭遂卒觶興坐奠觶再拜稽首執觶
興公答再拜媵爵者執觶待於洗南小臣請致者若命
皆致則序進奠觶於筐阼階下皆北面再拜稽首公答
拜媵爵者洗象觶升實之序進坐奠於薦南北上降適
阼階下皆再拜稽首送觶公答拜媵爵者皆退反位注反

門右北面位

蕙田案以上媵觶於公

公坐取大夫所媵觶興以酬賓賓降西階下再拜稽首

小臣正辭賓升成拜注正長也

敖氏繼公曰小臣正辭亦公命之

公坐奠觶答拜執觶興公卒觶賓下拜小臣正辭賓升
再拜稽首公坐奠觶答拜執觶興賓進受虛觶降奠於

筐易觶興洗公有命則不易不洗反升酌膳下拜小臣
正辭賓升再拜稽首公答拜賓告於擯者請旅諸臣擯
者告於公公許

敖氏繼公曰旅旅酬之也賓因君所賜請旅諸臣所以廣君賜也公許擯者又以告賓乃旅也

賓以旅大夫於西階上擯者作大夫長升受旅賓大夫
之右坐奠觶拜執觶興大夫答拜賓坐祭立卒觶不拜
若膳觶也則降更觶洗升實散大夫拜受賓拜送遂就
席

盛氏世佐曰賓初立西序東面既及於筵西東南面立至是始就席禮以漸殺也

大夫辯受酬如受賓酬之禮不祭酒卒受者以虛觶降
奠於筐復位

蕙田案以上公爲賓舉旅

主人洗觶升實散獻卿於西階上司宮兼卷重席設於

賓左東上卿升拜受觚主人拜送觚卿辭重席司宮徹之乃薦脯醢卿升席庶子設折俎

敖氏繼公曰卿有俎

大射差重於燕也

盛氏世佐曰案此薦不言其人意亦宰胥也

卿坐左執爵右祭脯醢奠爵於薦右興取肺坐絕祭不齊肺興加於俎坐挽手取爵遂祭酒執爵興降席西階上北面坐卒爵興坐奠爵拜執爵興主人答拜受爵卿降復位注復西面位辯獻卿主人以虛爵降奠於篚擯者升卿卿皆升就席若有諸公則先卿獻之如獻卿之禮席於阼階西北面東上無加席

蕙田案以上主人獻諸公卿

小臣又請媵爵者二大夫媵爵如初請致者若命長致則媵爵者奠觶於篚注命長致者使長者一人致也公或時未能舉自優暇一人待於洗南